



ԹՈՒՂԹ ԸՆԴԴԵՍ ՀԱՅՐԵՆԻՔԻ ԵՎ ՆԵՐԳԱՂԹԻ



պատական-արդարացնում է մի-
ջոցները:

Մարդիկ կան, որ իրենց նպա-
տականներին հասնելու համար
այս տիգրունքն որդեգրելով, խտրութիւն չեն
դնում միջոցների միջև և պատրաստ են
միշտ աչք փակելու պատմական իրողու-
թյունների հանդեպ և պատմական անցքերն
ու ռեպրերը շրջված ներկայացնելով աղա-
վաղելու իրականութիւնը:

Այդպիսի մարդկանց թվին են պատկանում
Հոռմի պապ Պիոս ԺԲ և կարդինալ Աղաճա-
յանը, որոնք ճգնում են շրջել հայոց դարավոր
պատմութիւնը և Վատիկանի, այսինքն
հոռմեական իկեղեցու, քահանայապետներին
ներկայացնել որպես հայ ժողովրդի մշտա-
կան «պաշտպան» ու «փաստաբան» քրիստո-
նեութիւն ամենահին դարերից սկսած: Վա-
տիկանում հապճեպ կերպով փաստարկած այս
«հայտնադոժութիւն» հեղինակները խու-
սափել են իրենց «հայտնադոժութիւնը»
պատմական անհրաժեշտ փաստական տվյալ-
ներով ամրապնդելու, որովհետև այդպիսի
առհասարակ բացակայում են, թե՛ ելնելով
«պապի անսխալականութիւն» դրույթից
կարծել են, որ պապի ստակ հայտարարու-
թիւններն ու հյուսած առասպելները կրն-
դունեն անառարկելիորեն:

Հայոց պատմութիւն փոքր ի շատե իրա-
զեկ մարդկանց մոտ Հոռմի պապերի «հայա-
սիրութիւն» այս անակնկալ փողահարումը
միայն կասկած կարող է առաջացնել. հարց
է ծագում, թե՛ ներկա պահին ի՞նչն է ջար-
ժառիթ ծառայել Վատիկանի «հայասիրու-
թիւնը» թմբկահարելու:

Այս հարցին պատասխանելու համար
հարկ կլինի ծանոթանալ Միջին ու Մերձա-
վոր Արեւելքի հոռմեադավան բոլոր եկեղեցի-
ների պետ՝ կարդինալ Աղաճայանի 1946 թ.

հուլիս 6-ի թվահիւր շրջաբերականին: Կար-
դինալական իր այս անդրանիկ շրջաբերակա-
նում Հոռմի պապ Պիոս ԺԲ-ի «հայասիրու-
թիւնը» տարփողելուց զատ, Աղաճայանը
շոշափում է հայ ժողովրդի ազգահավաքման
համար կենսական մեծ կարևորութիւն ներ-
կայացնող ու չափազանց հրատապ մի խըն-
դիր, այն է Ենթադրի խնդիրը: Սակայն իր
հիմնական դիտարկութիւններն ու նպա-
տականները սքողելու համար կարդինալ Աղա-
ճայանը ներգաղթի խնդիրը կապում է նախ
կրոնի ազատութեան և ազգի ու հայրենիքի
պաշտպանների մշուշապատ բնորոշման հետ,
որպեսզի կարողանա Սովետական Հայրենի-
քի ու ներգաղթի հանդեպ ունեցած իր թշնա-
մական դիրքավորումն արդարացնել հերյու-
րանքներ շարահյուսելով և գրապարտութիւն-
ների մեթոդին դիմելով:

Սովետական Հայրենիքում կրոնի ազա-
տութեան չգոյութեան մասին մինչև ուղն ու
ծուծը գրապարտութիւններով ներթոժված այս
շրջաբերականը, որը վրում է «Թուղթ հո-
ւմաւորան» խորագիրը, ամբողջապես ուղղ-
ված է ներգաղթի դեմ, այդ պատճառով էլ
ավելի ճիշտ կլինի կոչել այն «Թուղթ ընդ-
դեմ հայրենիքի և ներգաղթի»:

Չնայած կարդինալ Աղաճայանը շրջաբե-
րականում շոշափված խնդիրներն ամենայն
զգուշութեամբ աշխատում է ներկայացնել
սքողված, կրոնական շղարշով պարտադրած,
մշուշապատ ձևով, սակայն դժվար չէ կոա-
հել նրա իսկական դիտարկութիւնները.
խնդրի կրոնական զգեստավորումը և վարա-
գորումը չեն կարող փրկել կարդինալին,
որովհետև կրոնական դիմակի տակից ական-
հայտ կերպով երևում են Վատիկանի քաղա-
քական նպատականներ, որոնց վնասագործու-
մը Միջին ու Մերձավոր Արեւելքում իր ու-
սերի վրա է առել կարդինալ Աղաճայանը:

Շրջաբերականի սկզբում կարդինալ Աղա-
ճայանը ազդարարում է, որ իր բաղձանքն

է «Կաթողիկէ Սուրբ Հաւատքի. հրկնային լույսով դիտելու և դատելու աշխարհի և միջավայրի ներկայ խառնաշփոթ կացութիւնը»։ այս խորհրդավոր ազդարարութիւնը վերծանելու համար պետք է քայլ առ քայլ և ուշի ուշով հետեւել կարդինալ Աղաճանյանի շրջաբերականում շարադրված մտքերի հետևողական զարգացմանը։

Նշված ազդարարութիւնից անմիջապես հետո կարգինալը շրջաբերականում նկարագրում է Պիոս ԺԲ պապի կողմից իր «հայրական սիրով առանձին ունկնդրութեան» արժանանալը, միաժամանակ շնորհակալով փառաբանել ու խնկարկել պապի «հայասիրութիւնը»։ «... մինչ Ինքը, Հովուապետ աշխարհասփիւռ Քրիստոսեան շօտին, պահը իր համակրալից ուշադրութիւնը կը կեդրոնացնէր փոշ Հայազգի զաւակներուն վրայ և անոնց ու բովանդակ Հայութեան վերայ կը հրաւիրէր երկնային օրհնութեանց առատութիւնը»։ Օ՛հ զարմանք, Հռոմի պապը ճերմկային օրհնութեանց առատութիւնն է հրաւիրում ճրովանդակ Հայութեան վրա։ «Զինի» թե Հռոմի պապ Պիոս ԺԲ զղջացել և ցանկանում է քափել իր բոլոր նախորդների հանգանքները, որոնք դարերի ընթացքում թշնամական քաղաքականութեան են վարել Հայ Եկեղեցու և հայ ժողովրդի հանդեպ, Հայ Եկեղեցին հերձոսածող համարելով. իսկ այսօր Պիոս ԺԲ պապն օրհնում է ճրովանդակ Հայութեան, որին, ինչպես քիչ հետո կ'տեսնենք, անատված և հերձածող են համարում դարձյալ։

Պապի «հայասիրութեանը» ճերմկային օրհնութեանց առատութիւնը բովանդակ Հայութեան վրայ հրաւիրելով չի սահմանափակվում. դրան հետևում է 32 նոր կարգինալների անվանումը՝ «...որոնց շարքին և Կիլիկիոյ Տան Հայ Կաթողիկէ Պատրիարքը», — գրում է Աղաճանյանն իրեն կարդինալական ծիրանի շնորհելու մասին։ Այս քայլն, ինչպես պապի, Աղաճանյանի, այնպես և ուսանց կողմից դիտվում է որպէս հայ ազգին արված մեծ պատիվ և Վատիկանի «հայասիրութեան» ցուցանիշ։ Այնուհետև պապի «հայասիրութեան» ավելի ընդգծելու և ցայտուն դարձնելու համար կարդինալ Աղաճանյանը ցուցամոլութեան արտառով բռնված շարունակում է։

Այս անդուդական պատուոյն կը յաջորդէր, պարագաներու զեղեցիկ զուգարդարութեամբ, Ս. Պապին ուրիշ մեկ աննախընթաց կարգադրութիւնը։ Նորին սրբութիւնը կը հրամայէր որ իր Գահակալութեան եօթներորդ տարեդարին, Մարտ 12-ին, հայրապետական Ս. Պատարագը մենք մատուցանէինք մեր հայրե-

նի ծէսով, իր օգոստափառ ներկայութեան... Սրբազան Պապը Ինքը երկիցս հայ լեզուով արտասանեց Ս. Աւետարաններու ընթերցումէն առաջ «խաղաղութիւն ամենեցուն» մաղթանքը։ Այդ նշանակալից օրը հայ ծէսը փառատուեցաւ յայտ Աշխարհի և Եկեղեցւոյ, ինչպէս թերևս բնաւ եղած չէր իր բազմադարեան յովուլութիւն ընթացքին։ Վատիկանի ձայնասփիւռը օրեր շարունակ զովքը հիւսեց Հայ ժողովուրդին և զանազան լեզուներով հաղորդեց մանրամասնութիւններ հայ պատարագի մատին և երգերէն ալ ինչ ինչ կտորներ»։

Կարդինալ Աղաճանյանն իրոք որ իրավունք ունի պարծենալու Հռոմեական եկեղեցու պատմութեան մեջ նախընթացը շունեցող այս հրաշքի առթիւ։

Արդ հարց է ծագում, թե ի՞նչ ներքին նպատակ կ'ա թաքնված այս աննախընթաց արտաքո կարգի արարողութիւնները տակ։

Պատարագից հետո էլ, ինչպես իմանում ենք շրջաբերականից, «...Պապը բարեհաճեցաւ ընդունիլ հանդիսաւոր ունկնդրութեան Հռոմի հայ գաղութը և տօնակատարութեանց պատճառաւ Իտալիոյ, Ֆրանսայի, Պիլճիքայի զանազան քաղաքներէ եկած Հայերը»։

Այս առթիւ, — շարունակում է կարդինալ Աղաճանյանը, — Ս. Քահանայապետը համառօտ բայց համայնապարփակ ճառ մը խօսեցաւ որուն նկատմամբ ամեն Հայ քրիստոնեայ ուրիշ զգացում չի կրնար տածել բայց եթէ խորունկ երախտադիտութեան և հաւանութեան»։

Ապա շրջաբերականում շարադրում է պապի արտասանած ճառի ամբողջական տեքստը, որից մի մեջբերում բավական կլինի պարզելու, թե ինչպես է հլուսվում Վատիկանի «հայասիրութեան» առասպելը.

«Կարդինալ ընկելով բարձրամեծաւ Պատրիարքը Կիլիկիոյ Հայոց, Մենք դիտում ունեցանք անշուշտ վառատրելու գերազանց արժանիքները յոյժ արժանաւոր և ամենահաւատարիմ առագ եկեղեցականի մը, բայց կոչելով զայն անդամակցելու Հռոմեական Եկեղեցւոյ Մերակոյաին և Հայրապետական պատարագ մատուցանելու Սիբոտեան մատրան մէջ իր մեծախան ծէսին ամբողջ շքեղութեամբը, ուզեցինք միևնույն առեւ շնորհով մը շարքի փաստերու հոգածութեան և սիրոյ, որ բոլորուն երեւան ամենահին օրերէն՝ դարերու ընթացքին մինչև այսօր չէ դադրած երբեք Պետրոսի Գահը տածելէ Հայաստանի և իր ժողովրդեան հանդէպ։ Կըրնանք առդարև մենք իրաւամբ ըսել թէ այս

գերագնիւ Ազգը, իր ձախողաւեցեալուն և տա-
ռապաւեցեալուն մէջ ունեցած է միշտ պաշտ-
պան և փաստարարն Հոռմէական Քառանգա-
յապետը: (Ընդգծումները Աղաճանյանինն
են):

Պիոս ԺԲ պապի այս պերճախոսութիւնը,
ինչպես տեսնում ենք, փաստարկումներով
հիմնավորված չէ և անհնարին էլ է այդ
անել, որովհետև Հռոմի Եկեղեցին և նրա
քահանայապետները կրեկեցե հանդես չեն
եկել հայ ժողովրդի շահերի «պաշտպանի»
կամ «փաստարանի» դերում, մանավանդ
նրա պատմութեան ձախորդ օրերին. պապի
ստակ հայտարարութիւնները այն մասին, որ
իր թե քրիստոնէութեան ամենահին օրե-
րէն՝ դարերու ընթացքին մինչև այսօր...
Պետրոսի Գահը, այսինքն Հռոմեական եկե-
ղեցին, «չէ դադարձ երբեք»... սեր և հոգա-
ծութիւնն «տաժել է Հայաստանի և իր ժողո-
ւրդի հանդէպ», հեռու է իրականութիւն
լինելուց. ընդհակառակը, հայտնի է, որ դա-
րերի ընթացքում Հռոմեական եկեղեցին ան-
հաշտ դիրք բռնելով Հայ Եկեղեցու հանդէպ
և նրան հերձվածող համարելով շարունակ
հալածել է Հայ Եկեղեցին ու նրա հետևորդ-
ներին: Հռոմեական եկեղեցին ջանք չէր
խնայում ոչնչացնելու հայ պետականութեան
անկումից հետո հայ ժողովրդի ազգապահ-
պանման նեյտկը հանդիսացող Հայ ազգա-
յին եկեղեցին, այն եկեղեցին, որն իր հիմ-
նադրման օրից մինչև այսօր հայ ժողովրդի
թե՛ երջանկութեան և թե՛ դժբախտութեան օ-
րերին՝ անբաժան է եղել իր ժողովրդից և
քանիցս հայութեան փորձութեան խաչն ուսած
նրա հետ միասին բարձրացել է մինչև Գող-
գոթա, խաչվել, հարուստութեան առել, մեծ ար-
հալիքների բովից անցել, մինչև հատակն
ըմպել թուրքի բաժակը, բայց միշտ էլ ան-
բաժան մնալով իր ժողովրդից՝ պատվար է
հանդիսացել նրա ազգային ինքնութեան
թյանը, մաքուր և նրան ձուլելու փորձերի
դեմ. մինչև Հռոմի եկեղեցին հայ ժողո-
ւրդից մասնատված հատվածներին պա-
պականութեան գիրկը ներգրավելով նպաս-
տել է նրանց օտարացմանը, խորթացմանը
և ազգի համար անդարձ կորստեանը. — ահա-
վասիկ ձեզ լեհատանի հայաշատ գաղութը
և այլ հայկական հին գաղութները, որոնք
շնորհիւ Հռոմի եկեղեցու վարած քաղաքա-
կանութեան զոհ են գնացել ճեղքման ջար-
դին» և վաղուց արդեն դադարել են որպես
հայկական գաղութներ գոյութեան ունենա-
լուց:

Նմ ամեն անգամ, երբ հայ ժողովրդի հա-

մար ստեղծվել են փորձութեան օրեր, երբ
նրա առաջ ծառացել են կենաց և մահու
խնդիրները, Հռոմեական եկեղեցին նրա
նկատմամբ հանդես է բերել ոչ թե քրիստո-
նեական մարգասիրութիւն, այլ նվաստե-
ցուցիչ առևտուր, նողկալի սակարկութեան:
Դարերի ընթացքում, երբ հայ ժողովուրդը
խեղդվում էր իր խսկ արցունքի ու արյան
ծովում, Հռոմի քահանայապետները սառնա-
սիրտ կերպով սակարկութեամբ էին զբաղ-
վում: Թող ներքի մեզ հարցնելու Պիոս ԺԲ
պապին, թե ո՞ւր էին Հռոմի այդ քահանա-
յապետները, երբ Բովանդակ հայութեան
Ֆիզիկական գոյութեան վտանգ էր սպառ-
նում, երբ մահվան սպառնալիքը դամոկլյան
սրի պես կախվում էր նրա վրա, երբ Հայաս-
տանի դետերը, լեճերը, բոսոր էին ներկ-
վում հայ բազմատանջ ժողովրդի զավակների
աղբերակով, իսկ նրա լեռնալանջերին ու լեռ-
նահովիտներում մահվան գերանդին իր անո-
ղոք հունձն էր անում, երբ հաղարավոր ան-
մեղ մանուկներ ձերբի սմբակների տակ էին
նետվում և նիզակների ծայրին ճռճվում, իսկ
բազմահազար կանայք ու կուսեր վայրագո-
րեն լլկվում ու բռնաբարվում, երբ շեն գլու-
ղերն ու քաղաքները հրդեհի բոցերով էին
բռնվում ու մի ամբողջ քրիստոնեայա ժողո-
ւրդը քաղաքակիրթ Եվրոպայի աչքի ա-
ռաջ բնաջնջման էր ենթարկվում: Ո՛ւր էին,
այդ «պաշտպան» քահանայապետները, մի-
թե չէին տեսնում, որ Հայաստանը, քրիստո-
նեական աշխարհի արեւելյան միջնաբերդը, ու
դարեր շարունակ պատվար էր հանդիսացել
արեւմտյան քրիստոնեայա ժողովուրդներին, ետ
մղելով ու դիմադրաւելով մահամեղաւան աշ-
խարհի գրոհները, արնաքամ էր լինում խորը
վերքերից:

Թե ե՞րբ և ո՞ւր: Թե Հռոմի քահանայապետ-
ները իրենց ազդու ձայնը հնչեցրին հայ ժո-
ղովրդի մասնալական կոտորածները կասեց-
նելու, զարհուրելի ոճիրների առաջն առնելու:
Համար, այս մասին Պիոս ԺԲ պապը լուռ է:

Բայց մենք չենք լռի: Ենք կասենք. Հռո-
մեական եկեղեցին այդպիսի պահերին հան-
դես է եկել ոչ թե «պաշտպանի», այլ դաժան
սակարկողի դերում:

Հայ ժողովրդի գոյամարտի պահերին Հռո-
մի եկեղեցին աճուրդի առարկա էր դարձնում
մի բովանդակ ժողովրդի ֆիզիկական գոյու-
թեան խնդիրը և նրա օրհասական ճիւղերին,
օգնութեան կանչներին ու աղերսներին պա-
տասխանում էր առևտրականի սառնասրտ-
ութեամբ, փրկագին պահանջելով. ճշդու-
նեցեք կաթոլիկացում և կերպարավորվի ձեր
ֆիզիկական գոյութեանը. ահա՛, ահա՛, թե

ինչպես էին «գաղտնականում» հայերին «արժանահիշատակ» քահանայապետները Հոռմի: Ասացե՛ք խնդրեմ, իսկ ի՞նչով էր տարբերվում այս վարմունքով Հոռմի քրիստոնյա եկեղեցին հայ ժողովրդին ֆիզիկական ոչնչացման ենթարկող անօրինակ նախնիների հեղինակ մահմեդական արյունոտ լուսալիսներից, չէ որ նրանք էլ նույնն էին պահանջում: «ընդունեցե՛ք իսլամը և ապահովված է՝ ձեր ֆիզիկական գոյությունը»:

Այսպես է չսեր ու հոգածություն տածել Հայաստանի ու հայ ժողովրդի նկատմամբ «Պետրոսի Գահը»: քրիստոնեական մարդասիրության, գթության փոխարեն — առետուր: «Ժախեցե՛ք ձեր հոգիները Հոռմեական եկեղեցուն, հանուն ձեր ֆիզիկական փրկության»:

Փաստե՛ր են հարկավոր. որքան շատ ու որքան անողոր են այդ փաստերը. նրանք դրված են հայ մարտիրոս ժողովրդի բոսոր արյունով, և ոչ ոքի չի հաջողվի պատմության այդ արյունոտ էջերը արբազել:

Այդպես էր հաշվարաց արշավանքների ժամանակ, այդպես էր Զեթունի հերոսական ապստամբություն օրերին, և միշտ:

Իսկ ո՞ւր էր Հոռմի «գթաբար» քահանայապետը առաջին համաշխարհային պատերազմի ժամանակ, հայկական Մեծ Նղեռի, օրերին, երբ հայ ժողովրդը թյուրքիայում ենթարկվեց համատարած շարժերի, տեղահանման, բնաջնջման ու մասսայական տալիսաբուծության, երբ Հայկական Բարձրավանդակը ծածկվել էր հրկիզվող շեն ու բարգավաճ հայկական քաղաքների ու գյուղերի թանձր ծխով, երբ մորթում էր տղամարդկանց, կանանց և մանուկների ճիչն ու աղաղակը երկինքն և բարձրացել, երբ եկեղեցիները մարդկային սպանդանների էին վերածվել և երբ դիակույտների տակ ողջ մնացածների օգնության կամչերն անարձագանք էին մղում: Ի՞նչ էր անում Հոռմի քահանայապետը, հայ ժողովրդի «պաշտպանն ու փաստաբանը» մարդկային մեծ ոճիրի ադր օրերին, երբ հայ ժողովրդի բազմահազար զավակները անեծքի և նզովքի բառերը շրթներին ու մահվան ուրվականը աչքների առաջ, գլխահակ ու խուռանգված քայլում էին տալիս քաղաքների դիմածով ճամբաներով դեպի Միջագետքի անապատները, որպեսզի ավազուտներում սփռված իրենց զանգեղով հուշարձան կանգնեցնեն մարդկային անգթության: Փորձե՛ց արդյոք նա իր ձեռքի տակ եղած միջոցներով դեթ մասամբ մեղմել

հայ ժողովրդի տառապանքները, կասեցընել նրա նկատմամբ գործադրվող անլուր վայրագությունները: Այո, փորձեց...: Հոռմի պապը դիմեց Ավստրիայի թագավոր Ֆրանց Իոսիֆին, որպեսզի կոտորածից փրկեն... ի՞նչ եք կարծում, «ըզվանդա՛կ Հայություն», որի անունը այդպես սիրում է հոլովել Պիոս ԺԲ պապը. «Տ, ո՛չ, ո՛չ, այլ... միայն կաթոլիկ հայերին: Ահա ձեզ քիստոնյա քահանայապետի «քրիստոնեական» վարմունքը. վարմունք. որ ամբողջ քաղաքակիրթ աշխարհի նսյկանքը կարող է շարժել: Ահա այսպես են լսեր ու հոգածություն տածել Հոռմի քահանայապետները «Հայաստանի և Հայության» նկատմամբ:

Ո՛ւր էր Հոռմի պապը երկրորդ համաշխարհային պատերազմի օրերին. դարձյալ հայ ժողովրդի թշնամիների՝ նացիստական-ֆաշիստական վանդալների ճամբարում, ֆաշիստների, որոնք հայ ժողովրդին անբարեհույս հուշակելով դավեր էին նյութում նրա դեմ:

Ինչ վերաբերում է նրան, որ Հոռմի քահանայապետները իսկ «փաստաբան» են հանդիսացել հայ ժողովրդի համար, նույնպես չի համապատասխանում իրականությանը: Այն ժամանակ, երբ Հայ եկեղեցու պետերն ու նրա լավագույն ներկայացուցիչները քրիստոնյա պետությունների դռներն էին բախում շարունակ ու հայ ժողովրդի արյունով գրված աղերսագրերով միջազգային դիվանագիտության սեղանին դնելով աղերսում, խնդրում, որ հայ դատին արդար լուծում տրվի, որ հայ ժողովրդի համար ըստեղծվեն ֆիզիկական գոյություն ու խաղաղ աշխատանքի պայմաններ, որ հայ ժողովրդին աղատեն ծամանյան մեղադանքից, նրա բռնակալ լծի տակից, Հոռմի քահանայապետներից և ոչ մեկը չի ձայնը չբարձրացրեց, չաղաղակեց և լուր աշխարհի թյուրքիայում սիրող դժոխքի մասին, չնայած Հոռմեական եկեղեցին ավելի զորեղ ու ազդեցիկ կապեր ուներ քրիստոնյա բոլոր պետությունների հետ և իր տրամադրության տակ եղած լծակները շարժման մեջ դնելուց անապառ հնարավորություններ ուներ իր ձայնն ազդու ու լսելի դարձնելու համար: Հետևաբար Հոռմի քահանայապետները երբեք հայ ժողովրդի «փաստաբանը» չեն եղել և Պիոս ԺԲ պապը չի կարող նշել որևէ պատմական փաստաթուղթ, որ ապացուցի Հոռմի այս կամ այն քահանայապետի հայկական արդարացի պահանջների, հայկական դատի «փաստաբան» լինելը: Ո՛ւր էին

«փաստաբան» քահանայապետները Հոռմի, երբ դարավոր կուստուրայի տեր մի՝ քրիստոնյա ժողովուրդ մահմեդական օղակի մեջ սեղմված ուղղակի զգում էր խարույկի վրա միայն նրա համար, որ քրիստոնեական ուսմունքի շահը անշեջ ու ամուր պահելով իր ձեռքերում և դարերի թուփից անցնելով չէր ցանկանում վար ղենի այն իր ձեռքից Հոռմի քահանայապետները հայ ժողովրդի աղեկտուր ճիշդի հանդեպ նախադասեցին խույ ու մունջ ձևանալ: Այս է զարքը փաստերու հոգածութեան և սիրոյ, որ..... չէ գալիս ձեռք Պետրոսի Գահը տածելէ Հայաստանի և իր ժողովրդեան հանդէպ:

Հոռմի պապ Պիոս ԺԲ-ի «հայասիրությունը» որվատեցուց հետո կարդինալ Աղաճանյանը առիթը չի բաց թողնում Հոռմի եկեղեցին զովորեցնու. համարելով նրան «բայ մի և միակ» քրիստոնեական ճշմարիտ եկեղեցի, որը պայքարում է «անաղարտ պահելու քրիստոսաւանդ վարդապետութիւնը իր ամբողջութեամբ և սրբութեամբ»:

Այստեղ կարդինալ Աղաճանյանը դարձյալ հանդես է բերում Հոռմի անցիջող ու անհաշտ տրագիցիոն քաղաքականությունը մյուս եկեղեցիների հանդեպ, որոնց նա շարունակում է հերձուածող համարել. և ինչպիսի՝ արհամարական տոնով է խոսում նա արք մասին, — «խմբակցութիւններ որ իրենք զիրենք Քրիստոսի Եկեղեցի կը յորջորջեն». ապա այդ եկեղեցիների հասցեին լուսանքներ է, որ ջուլլում է. «Ավա՛ղ, քանի քանի խմբակցութիւններ որ իրենք զիրենք Քրիստոսի Եկեղեցի կը յորջորջեն, հրաժարած են պատգամաւոր ըլլալէ այդ ամբողջական քրիստոնէական հաւատքին որ սակայն անբաժանելի է: Քանիներ դիւրաւ... Կը յարմարին օրուան իշխողներուն որ յանուն քաղաքականութեան կը տքին հիմերը քանդել ամեն կրօնքի և աստուածաբաշտութեան»: Դժվար չէ կուահել. թե դեպի ու՛ր է ուղղում իր սլաքները կարդինալը:

Ինչպես ասացինք, կարդինալ Աղաճանյանը իր շրջաբերականում հարեանցիորեն շոշափում է նաև ազգի ու հայրենիքի գաղափարները, տալով դրանց մշուշապատ ձևավակերպում կամ ամբելի ճիշտը աղճատելով այդ նվիրական գաղափարների իմաստը: Կարդինալին հայտնի են, որ ներկայումս գաղութահայ մթնոլորտը էլեկտրականացած է ազգ ու հայրենիք գաղափարներից, որ հայրենիքի սիրով տոգորված մամուլի էջերում և հայրենակարոտ հայերի շրթներին

այսօր մի առանձին թովշանքով, քաղցրութեամբ ու հպարտութեամբ են հնչում ազգ ու հայրենիք բառերը ու նրանց համարը շատ մեծ է: Այս նկատառումներով կարդինալ Աղաճանյանը ցանկացել է այդ քառերով տրտահայտվող նվիրական գաղափարներն իր շրջաբերականում աղճատել ու աղավաղել, Երբ ամենաբնական խոսվում է հայ ազգի իր հայրենիքում համախմբման մասին, կաթոլիկ եկեղեցին լուծվում անցնել դրա կողքից չէր կարող, քանի որ «այնքան այլանդակ, օտարամուտ և կոյրծանալար մոլորութիւններ ապերասանօրէն կը հրապարակուին ամենուրեք և որոնցմէ կրնան վարակուի և թունաւորուի մերիներն անգամ»: Ահա հենց այս նպատակով էլ կարդինալը ազգ ու հայրենիք գաղափարներին յուրահատուկ մեկնաբանում առաջով ցանկացել է վարակազերծ ու թունազերծ դարձնել: Նա մի կողմից ուշում է ցույց տալ, որ կաթոլիկ եկեղեցուն խորթ չեն եղել ազգի ու հայրենիքի գաղափարները, որ «կաթոլիկ կրօնքը ոչ մէկ ատեն ուրացած է հայրենիքի և ազգութեան գաղափարականները», բայց մյուս կողմից իր իսկ բերած օրինակներով ժրխտում է ազգի ու հայրենիքի գաղափարները, նախ աղավաղելով ու նույնացնելով հայրենիքի գաղափարը ծննդավայրի հետ և ապա շաղակրատելով «երկրաւոր ու երկնաւոր» հայրենիքների մասին. ըստ Աղաճանյանի ստացվում է, որ մարդն ունի «երկրաւոր»

հայրենիք և ա՛յ «երկրաւոր» հայրենիքն այնտեղ է, որտեղ ծնվել է նա. առաջիկայում ըստ կարդինալ Աղաճանյանի ստացվում է, որ հայկական բազմաթիվ գաղութներում ծնված հայ մատաղ սերնդի հայրենիքը հանդիսանում են հենց այդ գաղութները. ուրեմն լավ լսիր, պանդուխտ հայր՛րդի, գու. ուրիշ հայրենիք չունես, քան այն «երկրաւոր» հայրենիքը, ուր ծնվել ու սնվել ես դու, և մոռացիր քո իսկական հայրենիքը, որտեղ քո հաւաքատեղաբայրներն այսօր իրենց երջանիկ կյանքն են կենդանու, մոռացիր քո պապական կամ օջախը, որ քո նախնիքներին՝ հաղաւթաւոր հայրերի ու մայրերի, թույլտրի ու եղբայրների արշուճով է ներկայվել: Կարդինալ Աղաճանյանը, դեռ նախքան «երկրաւոր ու երկնաւոր» հայրենիքների մասին շաղակրատելը, իր շրջաբերականի սկզբում ժրխտում է այն, ինչ որ հետագայում ասում է ազգի մասին. այստեղ նա պարտավոր է ներբանց, որոնք «հակառակ Քրիստոսի պատգամին..... մի հօտ և մի հովիտ» լինելու փոխարեն «կամալիւփուլի ազգի մը, պետութեան մը սեղմ սահմաններու մեջ». ապա հորդոր է կարդում հանուն աստուծո մոռա-

նալ ազգ ու հայրենիք, «ոտովհետև Աստուծոյ հանդէպ պարտականութիւնները աւելի նուիրական են քան մարդկանց հանդէպ եղածները»:

Բայց մի՞թէ հայրենիքը սիրել, Աստուծուն մոռանալ է նշանակում կամ Աստուծուն սիրելու համար հարկ կա մոռանալ հայրենիքը, որ կարդինալը պահանջում է «նախադասել հոգւոյն բարիքը մարմնոյ բարիքին»:

Այնուհետև որպէսզի ընթերցողները հանկարծակի չգան իր հետագա հայրենատուաց առաջարկներից, նա աշխատում է նախապարտաստել նրանց՝ հայոց պատմութիւնն աղավաղելու և մեր նախահայրերի հայրենասիրութեան վրա թանձր ստվեր նետելու միտքով: Մեր դարուստը պատմութեան արեւծացքին, մեր հայրերը, քաղցր հայրենի հողին վրայ, յաճախ գտած են իրենք զիրենք ահաւոր երկրնախառնքի առջև, կամ ուրանալ ճշմարիտ Աստուածը, զՔրիստոս և անոր Ս. Եկեղեցին, և կամ, եթէ ոչ միշտ արիւնով մկրտով, գէթ պանդխտութեան ցուպը ձեռք առնել, օտարութեան և անոր պարտադրած զրկանքներուն մէջ ապրել: Անոնք սակայն Ս. Աւետարանի լուսով հոգեզմայլ և անկեղծ ու խորունկ հաւատքով սնած ու զրահաւորուած, շվարանեցան հրաժարելու ամէն բանէ միայն թէ Աստուծոյ շօտարանային:

Այս է մեր հայրերու մեզի ձգած օրինակը և կտակը, Վարդանանց օրերէն մինչև վերջին տեղահանութիւնները:

Եթե ոչ զրպարտում, ապա սխալվում է կարդինալը: Մեր նախահայրերը Վարդանանց օրերից սկսած մեզ չեն կտակել, որ առանց վարանման պանդխտութեան ցուպը ձեռքներս առնենք ու օտարութիւն դիմենք Աստուծոյ շօտարանալու համար, այլ ընդհակառակը նրանք հայրենի հողի վրա մարտնչել տես պայքարել են ոչ միայն Աստուծոյ, այլ և իրենց հայրենիքի անկախութեան, ազատութեան ու թշնամուց՝ ոտնակոխ չարվելու համար: Անմահ Վարդանը Ավարայրի դաշտում իր դողը պարզեց ոչ միայն հանուն Աստուծոյ ու քրիստոնեւորութեան, այլ և հանուն հայրենիքի: Հանուն քրիստոնեւորութեան և հանուն հայ ազգի ու հայրենիքի ազատութեան ու ինքնուրույնութեան Ղևոնդ Երեցի կողմից Ավարայրի դաշտում պարզած փաշն էր, որ դարերի ընթացքում զորավիգ հանդիսացավ հայ ժողովրդի ազգապահպանմանը:

Իսկ ի՞նչ կասի կարդինալը՝ արչ մասին, երբ բազմաթիւ ազգեր հանում հայրենիքի

պատերազմում են իրենց իսկ կրօնակից ազգերի դեմ: Ի՞նչու նրանց էլ նման խորհուրդներ չի տալիս: Բայց թողնենք այդ երևում է խնդիրն այս հարթութեան վրա դնելը նրա դիտավորութիւնների սահմանից դուրս է:

Պարզվում է, որ այս բոլոր շաղակրատանքները ազգի ու հայրենիքի մասին արվում էր կանխամտածված նպատակով. երկար ու բարակ դատողութիւններից, մանվածապատ ճանապարհներ անցնելուց հետո, վերջնականապես կարդինալ Աղաճանյանը ձեռնամուխ է լինում իր բուն նպատակի շարադրմանը:

Ահաւոր պատերազմի ընթացքին ուրեմն, երբ Դաշնակից Պետութիւնները կը յայտարարէին որ իրենց յաղթանակով պիտի ապահովուէր մարդկութեան, ի մէջ այլոց, Կրօնքի կատարեալ ազատութիւն, իրավունքով և անձկանօք մենք ալ ակնդէտ կը մնայինք այդ օրոշան, որ հնարաւորութիւն պիտի տար մեզի, անխախտ պահելով մեր կրօնական համոզումներն՝ ու կարգերը, երթալու Մայր Հայրենիք մեր բաժինը բերելու անոր վերադիմութեան և բարոյական ու կրօնական վերելքին:

«Բայց տչ սակաւ Եղաւ մեր յոռախաբութիւնը երբ հայրենադարձի բանբերները և անոնց մոնետիկները համազգային այս գործին յարանուանական շեղուած բնոյթ մը տուին, և Հայ Կաթողիկէութեան հանդէպ որ Զարեհուն բռնատիրական ժամանակ անգամ, կը վայելէր իր ազատ կազմակերպութիւնը հայրենի գաւառներու մէջ, կը զատուէր արդար և լիովին արժանացած ազատամիտ վերաբերում մը»:

Ահա թե ինչի համար էր արվում այդ երկար ու բարակ շաղակրատանքները պապի «հայասիրութեան», ազգի, հայրենիքի, եկեղեցու մասին: Կարդինալ Աղաճանյանը դժգոհ է մնացել ահաւոր պատերազմի վախճանից. երևում է նրա սպասելիքները չեն արդարացել. նա «Կրօնքի լիակատար ազատութիւն» էր ակնկալում և այն էլ դաշնակից պետութիւնների հաղթանակից հետո. կարդինալ Աղաճանյանը չէր կարող չմանալ, որ Հայրենիքում անհատները և համայնքները չեն հաւածվում իրենց կրօնական համոզումների համար և որ ոչ միայն քրիստոնեական, այլ և մահմեդական և ուրիշ կրօններ դավանողները համահավասար արտոնութիւններ են վայելում: Եկեղեցու պետութիւնից անջատված լինելը դեռ չի նշանակում կրօնի ազատութեան չզոյւն-

թյուն. ուրիշ երկրներում էլ եկեղեցին անշատված է պետությունից, բայց ոչ ոք չի կարող ասել, որ օրինակ Ֆրանսիայում կրոնի ազատությունը գոյություն չունի: Եթե կարգինալ Աղաճանյանն այդչափ նախանձախնդիր է կրոնի լիակատար ազատության, ինչու՞ ապա չի խոսում այն կրոնական հալածանքների մասին, որ կատարվում են Հոռմի Եկեղեցու հովանավորությամբ. ինչու՞ նա լուր է Եթովպիան Բալարայի կողմից օկուպացվելուց հետո այնտեղից բողոքական միսիոներներին դուրս վտարելու, Իսպանիայում բողոքական եկեղեցիները փակելու ու ավետարանները բռնագրավելու, Սեկերիայում բողոքականներին գանակոծելու, սպասելու, նրանց կրոնական շենքերն ապերելու, Հարավային Ամերիկայի շատ երկրներում բողոքականներին հալածելու մասին և այլն:

Կարգինալ Աղաճանյանն ի հարկե չի կարող իրազեկ լինել Հայրենիքում տիրող կարգերին. բայց նրան անհրաժեշտ է իրականությունը շրջված ներկայացնել, փաստելն աղավաղել, բամբասել, զրպարտել, որովհետև նպատակն արդարացնում է միջոցները: Վերոնքի լիակատար ազատության» չգոյություն չունի: Հյուսիս Կոստանտինոպոլիսում և Կոստանտինոպոլիսում էլ միայն իր հոտին, այլ ընդհանրապես հայ հավատացյալ ժողովրդին: Այս բոլորը նա կատարում է մի հիմնական նպատակ հետապնդելով. հայրենիքը մոայլ գոյություն ունեցող չլուր, կասեցնել հայ տարագիր ժողովրդի ներգաղթը Հայրենիք:

Ուրեմն մեզի կը պարտադրուի տակավին պանդխտության մէջ մնալ որպէս զի անաղարտ պահենք մեր Կաթողիկէ Ս. Հաւատքը: Եվ ամբողջ ջրաբերականը գրվել է այս մի հատիկ նախադասության համար. ինչպէս ընդունված է ասել թուրք ճանապարհները դեպի Հոռմ են տանում, այնպէս էլ կարգինալ Աղաճանյանի բոլոր շաղակրատանքները այս մի նախադասությանն են հանդուր:

Լավ լսի՛ր, հայ պանդխտ հավատացյալ ժողովուրդ, դու դեռ փրկար պետք է դեգերես պանդխտության մեջ, չկա դարձ դեպի Հայրենիք. կարգինալը քարոզում է ամուր պահել գաղթացույթը և Հայրենիք չերթալ, որ պետքի ճանաղարտ պահես ըստ Ս. Հաւատքը. նա հորդորում է հեռու մնալ Հայրենիքից, որովհետև այնտեղ չկը տքնին հիմերը քանդել ամեն կրօնի և աստուածապաշտութեան:

Բայց հարց է ծագում, թե մինչև ե՞րբ պետք է հայ ժողովրդի աստանդական հատ-

վածները մնան հայրենի ափերից հեռու ու իրավագործ ապագադաքացու վիճակում թափառեն երկրներ կիր. այս հարցին ջատ անորոշ, մշտապաւտ, մոայլ ակնարկներով հղի պատասխան է տալիս կարգինալը. նա առաջարկում է ապասել մինչև Հայրենիքի ռարձը քրիստոնէական արշալոյսի..... գեղեցկութեան և հուադրում է թէ պիտի հնչէ Աստուծոյ որոշուած այդ ցանկալի ժամը, իսկ մինչ այդ հորդորում է մնալ Սփիւռքի մէջ, վայելելով ազնիւ և լայնամիտ ասպնջականութիւնը գաղթավայրերու.....»:

Այսպիսով, երբ իրականացել են գաղթացույթը ձեռնարկն դեպրող բազմահաղար հայրենադարձ հայերի իղձերը, երբ նրանց առաջ լայն բացվել են Հայրենիքի դռները, կարգինալ Աղաճանյանը, կեղծ դիմակ հագած, այդ դռների առաջ Աստուծո անունից կուրծքը ծնում, հավատացնում, համոզում է ետ կանգնել Հայրենիք մեկնելուց: Սակայն նա անգոր է հայրենակարտ մարդկանց խորաթափանց հայացքից ծածկելու Արարատի ստորոտում ծաղկող Հայրենիքը:

Ներգաղթի գործը ձախողելու համար կարգինալ Աղաճանյանը մյուս կողմից ներկեր չի խնայում գաղթավայրերում կյանքը, մնալ նաւանդ Մերձաւոր Արեւելքի մէջ, վառ գույններով ներկայացնելու. նա գրում է. Վերջի ճշմարիտ ազատութեան հետ ունեցանք և ունինք հասարակական կեանքի և մշակույթի ամեն դիւրութիւններ, և որոնց ջնդհիւ այս գաղթները համեմատաբար քիչ ժամանակաւ մէջ հասան նախանձախ վիճակի: Սակայն նա դիտաւորյալ կերպով նախ աչքաթող է անում հայ մշակույթի զարգացումը թում Հայրենիքում և երկրորդը՝ մոռացության է մատնում այն հանգամանքը, թե որոնք են այն ակունքները, որ թե՛ սնում ու թե՛ խթանում են հայ մշակույթի զարգացումը գաղութներում: Հայտնի է, որ ոչ մի հայկական գաղութում հայ մշակույթի զարգացումը պայմանավորված չէ պետական օժանդակութեամբ և նրա փոքր ի շատե գարգացումը հանդիսանում է լոկ հասարակական կազմակերպութեանների ու հայրենասեր անհատների ձեռնարկութեան աղբյուրը, մինչդեռ բուն Հայրենիքում պետութեանը բոլոր միջոցներն ստեղծել է հայ մշակույթի ծաղիման համար, որի հետեանքով էլ հայ մշակույթը ներկայումս Հայրենիքում ապրում է իր նոր ու փառահեղ Ոսկեդարը. միաժամանակ պիտի ասել, որ այս կամ այն հայկական գաղութում եթե հայ

մշակույթը զարգանում, աճում է, ապա շրմորհիվ Սովետական Հայաստանի գոյության փաստի, որը ուղեցուց աստղ. ոգևորության ու ներշնչման աղբյուր է հանդիսանում գաղութահայ մշակույթի զարգացման համար, խթանելով նրա առաջընթացը: Սովետական Հայրենիքի գոյության փաստը ջերմացնում, կենսատու հյութով ներարկում է գաղութահայ մշակույթի անխոնջ մշակների երակները, դուրս մղելով նախկինում նրանց մոտ իշխող լքվածությունը, հոռետեսությունը, անկումային տրամադրությունները և նոր թափ հաղորդելով, նորաստոր խիզախումների մղում նրանց: Իսկ եթե հայկական գաղութներում բարյացակամ վերաբերմունք գոյություն ունի դեպի հայերը, ապա այդ էլ մասամբ շնորհիվ նրան, որ ամենուրեք հայ ժողովուրդը անվերապահորեն իր բոլոր ֆիզիկական ու հոգեկան կարողությունները ի սպաս դրեց ազատասեր ժողովուրդների հաղթանակի գործին, մեծապես նպաստելով ֆաշիստական վանդալների ջախջախմանն ու խտրականության քարյացակամ վերաբերմունքն ստեղծվել է քառորդ միլիոնից ավելի հայ քաջարի մարտիկների ու մի քանի տասնյակ տաղանդավոր հայ գրավարների շնորհիվ, որոնք իրենց սրբանշանի սխրագործություններով ամամահ փառապատկ հյուսեցին հայ ժողովրդի համար. այդ վերաբերմունքը ստեղծվել է աշխարհի բոլոր ռազմաբեմերում մայրենի հայ ռազմիկների և բազմաթիվ երկրների ընդհատակում պայքարող հայ պարտիզանների շնորհիվ:

Ինչ վերաբերում է ճափոնական վիճակին», ապա կարողինալ Աղաճանյանն այստեղ ևս հավատարիմ է իրեն, արտաբեր ևս նա փնդաթյուրում է իրականությունը: Ամենայն Հայոց Հայրապետը հայկական զանազան գաղութներից բազմաթիվ դիմումներ է ստացել, որոնց մեջ նկարագրված է պանդուխտ հայ ժողովրդի գրկանքներով լի կյանքը, նրա իրավագույն վիճակը, գործազուրկությունը, իսկոյն աստիճան ծանր կացությունը: Դիմողները խնդրում, աղերսում են Ամենայն Հայոց Կաթողիկոսին միջնորդել կառավարության առաջ փութացնելու իրենց օր առաջ ներգաղթը, Հայրենիքը:

Կարդինալ Աղաճանյանը իր շրջաբերակալնում խոսում է նաև Հայ Կաթողիկոս Պատրիարքարանի մասին, որը բերած է և կր բերել յաճախ ազդու իր աշակցութիւնը Հայ Ազգի և անոր դատին և զաւակներուն ի նը-

պաստ, թէև իր միջամտութիւնները շատ անգամ կը մնան քողարկուած և հետու փողահարուել:

Հետաքրքիր է, թե այդ ինչ «միջամտութիւններ» են, որ «շատ անգամ կը մնան քողարկուած և հետու փողահարուել»: Երբ որինակ է, թե ինչու նրանք քողարկված են պահվում, ի՞նչ իրող արժանի են հրապարակման. թույլ տվիք, կասկածելու, որ այդ քողարկված «միջամտութիւնները» արվում են ոչ թե հօգուտ հայ ազգի ու հայ դատի, այլ հօգուտ վատիկանի քաղաքականության և ի վնաս հայ դատի: Անցյալը մի կողմը թողնենք և խոսենք այն մասին, թե ինչ է այսօր հայ ազգի ու դատի համար Կաթողիկոս Պատրիարքարանի կողմից: Այսօր, երբ բովանդակ հայությունը միակամ պահանջում է, որպեսզի թյուրքիայի կողմից անարդարացի կերպով բռնագրավուած հայկական նահանգները միակցվեն Սովետական Հայաստանին, որպեսզի այսպիսով հնարավորություններ ստեղծվեն սփյուռքով մեկ ցրված պանդուխտ բոլոր հայերի համար իրենց Հայրենիքում համախմբվելու ու այստեղ եղած եղբայրների հետ միասին իրենց երջանիկ կյանքը կերտելու, երբ Միավորված Ազգությունների Կազմակերպությանը և այլ տեղեր բազմաթիվ դիմումներ են արվում, երբ օտարազգի քաղաքական, հասարակական, զիտական գործիչներն անգամ դիմումներ են անում հայկական պահանջները հարգելու համար, Կաթողիկոս Պատրիարքարանը թշնամական դիրք է բռնում ներգաղթի հանդեպ և լուծկան մատնելով հայկական պահանջները, ջուր է լցնում հայ ժողովրդի թշնամիների ջրաղացի վրա: Պատրիարքարանը դեմ լինելով ներգաղթին, դեմ է ընդհանրապես նաև հայկական պահանջներին, հայկական գերված հողերի վերադարձին: Սա է Ձեր աշակցությունը հայկական դատին կամ Դուք աշակցություն ե՞ք համարում հայ դատին այն, որ զբաղուելով ու վարկարկելով Հայրենիքը, կոչ եք անում հրաժարվել այնտեղ մեկնելուց: Թույլ տվեք ասելու, որ Պատրիարքարանի «միջամտությունները», որոնք «կը մնան քողարկուած», նպատակ ունեն երկի գաղտնի դիվանագիտական ճանապարհներով հայ ժողովրդի թշնամիներին տրամադրել արգելակելու հայկական արդարացի պահանջների կենսագործումը:

Իսկ ինչ է արել հօգուտ հայ դատի հայաստան Պիոս ԺԲ պապը: Երբ Ամենայն Հայոց Հայրապետ Գևորգ Զ, հարազատ թարգմանը հանդիսանալով բովանդակ հայ ժողովրդի իղձերի, նվիրական Արարատի ստո-

րոտից իր հաղթ ծայնն է հնչեցնում, հրավեր կարգալով իր պաղտկոտ դավակներին հայրենիքում համախմբվելու և երեք մեծ տերությունների ղեկավարներին խնդրում «ճանաչել հայերի իրավունքը իրենց պատմական հայրենիքի վրա, որ նոքա սրբագործել են իրենց արյունով ու քրտինքով և ծածկել հիշատակաց արժանի հարուստ կոթողներով», Հոռմի Պիոս ԺԲ «հայասեր» պապը խոսելու է պահպանում՝ հրաժարվելով հոգևոր հայ դատի իր ծայնը հնչեցնելու Վատիկանի այն «ձայնասփիռում» արիքների միջից, որը «ճրեր շարունակ գովքը հիւսեց հայ Եղորդիին», առասպելներ հյուսելով պապի «հայասիրության» շուրջը, բայց խստիվ լուսվյալն պահպանելով Հայ Հայրենիքի, հայ դատի ու հայկական պահանջների մասին:

Կամ նշենք, ինչ է արվում Միջին ու Մերձավոր Արևելքի հայաշատ գաղութներում. այն ժամանակ, երբ Գարեգին կաթողիկոսը ապրում, շնչում է Հայրենիքով, ամենուրեք սատարում է ազգահավաքման մեծ գործը իր մեծագույն սեփականությունը բերելով ներգաղթի կազմակերպմանը և կոչ է անում գաղութահայությանը արևածաղկի նման երեսով դառնալ դեպի հայ ժողովրդի՝ «կենդանության արևը, որ մեր Հայաստանն է թանկագին», կարդինալ Աղաճանյանը քարոզում է երես դարձնել Հայաստանի, հրաժարվել այնտեղ ներգաղթելուց:

Կարդինալ Աղաճանյանի ներգաղթի դեմ զենքեր ձեռնելը, պանդխտության մեջ մնալու հիստերիկ կոչերը և հայկական պահանջները ձախողելու փորձերը մի ընդհանուր պիտանքից են բխում և այդ պիտանքը հանդիսանում է Վատիկանը. կարդինալ Աղաճանյանի հակաձեռնադրության այս գործունեությունը սերտ փերպով կապված է Վատիկանի քաղաքական գործունեության հետ, քաղաքական գործունեություն, որը բանադրվել է Հայ Եկեղեցու կողմից:

Իզուր է ճգնում կարդինալ Աղաճանյանը ամենայն զգուշությամբ թագցնելու իրողությունը, որ «Հոռմայ Ա. Աթոռը քաղաքական բեռն մը չէ, այլ սոսկ կրօնական» և որ ինքը քաղաքական նպատակներ չի հետապնդում, այլ սոսկ նկատի ունի «խղճի ազատություն», «կրօնական վերելք», և այլ շահակրատներ:

Այսպիսով կարդինալ Աղաճանյանը ջանք չի խնայում հայ վտարանդի ժողովրդի բնկորները պապի քաղաքականության զոհասեղանի վրա ողջակիզելու:

Ասկայն հայ աստանդական ժողովուրդը, լինի նա կաթոլիկ, բողոքական, թե լուսավորչական, այլևս ոչ մի մտադրություն չունի անարդի առարկա դառնալու:

Այս բոլորն արձանագրելով, մենք բնավ մտադրություն չունենք կրոնական վեճեր հրահրել ու կրքեր քրքրել. մեր նպատակն էր պատմական իրողությունների ճշտությունը վերականգնել ու գերծ դարձնել այն աղավաղումից և միաժամանակ նշել այն դրապատճառները, որոնք առիթ են ծառայել այդ աղավաղմանը:

Այժմ, երբ մեր առաջ ծառացած են Հայրենիքի էլ ալիլ ժողովման ու հզորացման և սփյուռքում ցրված հայությունը նրա մեջ համախմբելու փնդիրները, ժամանակը և տեղը չէ կրոնական կամ այլ վեճերով զբաղվելու: Հայ ժողովրդից այժմ քան երբեք պահանջվում է միասնական կամք:

Մեզ սխալ չպետք է հասկանալ, մեր բոլոր ասածները ուղղված չէին մեր կաթոլիկ եղբայրների դեմ. Հայ Եկեղեցին թշնամության նշույլ անգամ չի տաժում կաթոլիկ կամ բողոքական իր եղբայրների հանդեպ: Հայ Եկեղեցուն, հակառակ Հոռմի Եկեղեցու, խորթ են եղել կրոնական հալածանքները, անհամբերատարությունը կամ ուրիշներին իր գիրկը ներգրավելու ձգտումները. նա մյուս Եկեղեցիներին համարել ու համարում է քույրեր: Ինչպես Գեորգ Զ Հայրապետն է ասում, «Հայոց Եկեղեցին ունի վերին աստիճանի ներդրումներ ոգի. նորա տարեգրությունների մեջ չի կարելի գտնել կրոնական հալածանք, ժողովուրդը ստրկացնելու ձգտում, աններողամտություն և անհամբերատարություն»:

Մենք համոզված ենք, որ կաթոլիկ հայությունը չի բաժանում կարդինալ Աղաճանյանի տեսակետները ազգի, հայրենիքի և հատկապես Սովետական Հայրենիքի նկատմամբ. այդ են վկայում Հայրենիք ներգաղթող կաթոլիկ հայերի խմբերը և կաթոլիկ հայերի նույնիսկ: Մենք չենք կարծում, որ կաթոլիկ հայերի մեջ մեռած լինի հայրենասիրական ոգին նույնչափ, որչափ կարդինալ Աղաճանյանի մոտ. հայրենասիրական զգացմունքները համամարդկային են, ապա և նրանք խորթ չեն նաև մեր կաթոլիկ եղբայրներին: Համար Բիշ բան չեն արել նաև մեր կաթոլիկ եղբայրները հայ կուլտուրայի զարգացման համար. մենք մեծ գոհունակությամբ ու անհուն երախտագիտությամբ կարող ենք նշել այնպիսի կաթոլիկ հայերի անուններ, ինչպիսիք են Մխիթարյան միաբանության անդամները,

որոնք խոշոր ներդրումներ ևն արել հայ կուլտուրայի, հայ մշակույթի զարգացման գործում, ու բոլորքն էլ հայի սրտում հայրենասիրական սրբազան զգացմունքները:

Կաթոլիկ, բողոքական և լուսավորչական հայերը ամենից առաջ եղբայրներ են և կապված են միմյանց հետ բազմաթիվ անբաժանելի կապերով: Նրանք կազմում են մի միասնական ընտանիք և ինչպես ընտանիքի անդամները ապրաբեր համոզումներ ունենալով չեն դադարում մի համերաշխ ընտանիք կազմելուց, այդպես էլ պատմական դեպքերի բերումով հայ ժողովրդի տարբեր հատվածների տարբեր կրոնական համոզումներ ունենալը չի խանգարում նրանց մի ընդհանուր համահայկական ընտանիքի մեջ համախմբվելուն, հայրենի օջախի շուրջը բոլորվելուն: Ինչպես հայ ժողովրդի մյուս հատվածները, այդպես էլ հայ կաթոլիկները հեռու լինելով հայրենի օջախից, օտար հորիզոնների տակ չեն քաղարել իրենց սիրաբոլորով հայացքը դեպի նվիրական Արարատն ուղղել: Հայ ժողովուրդը, ներառյալ նաև հայ կաթոլիկները, շարքը շարունակ տենչացել է հայ պատմականությունը վերականգնված տեսնել և

այսօր, երբ իրականացել են նրա դարավոր իղձերը, չի կարող նա սփռուքում մնալ ու իր Հայրենիքը չդառնալ:

Բովանդակ հայ ժողովուրդը փրկության մի հանգրվան միայն ունի և դա Սովետական Հայրենիքն է, դեպի տու ձգվում են բոլոր գաղութահայերի ուղիները: Հայ ժողովուրդը Միության ժողովուրդների եղբայրական ընտանիքում միայն կարող է ապրել հաճեցողիս ու զարգացնել իր ազգային մշակույթը:

Իզուր են կարգինալ Աղաճանյանի փորձերը՝ ետ պահելու հայրենադարձներին և նրանց փրկության նավը դեպի Վատիկանի խուժեբոլ ու ծանծաղուտներով հարուստ, մոռյլ անակնկալներով հղի ու պղտոր նավահանգիստն ուղղելու ջանքերը:

Հայրենադարձ հայությունը, հայացքը հառած Արարատի ստորոտում վառ փայլող, ժպտուն ու գերող և գաղութահայության ուղին լուսավորող աստղին, իր փրկության նավի առաջատները լայն բացած, կյանքի ալեծուխ ծովի ալիքները ճեղքելով ու Ղովտի նման առանց ետ նայելու, դեպի Հայրենիք, Գեպի Սովետական Հայաստան է շարժվում:

Վ.

